



JKP "ZENICATRANS-PREVOZ PUTNIKA" d.d. ZENICA NADZORNI ODBOR

Na osnovu člana 12. Zakona o javnim preduzećima u Federaciji Bosne i Hercegovine („Službene novine F BiH“, br. 8/05, 81/08, 22/09 i 109/12), člana 263. tačke 3. Zakona o privrednim društvima („Službene novine F BiH“, br. 81/15), člana 64. Statuta JKP „Zenicatrans-prevoz putnika“ d.d. Zenica i Odluke Nadzornog odbora broj: 181-2/17 od 04.12.2017. godine, JKP „Zenicatrans-prevoz putnika“ d.d. Zenica, raspisuje:

JAVNI KONKURS

za izbor i imenovanje direktora JKP „Zenicatrans-prevoz putnika“ d.d. Zenica kao člana Uprave Društva

Objavljuje se javni konkurs za izbor i imenovanje direktora JKP „Zenicatrans-prevoz putnika“ d.d. Zenica, na period od 4 (četiri) godine.

Izbor i imenovanje direktora JKP „Zenicatrans-prevoz putnika“ d.d. Zenica izvršit će Nadzorni odbor JKP „Zenicatrans-prevoz putnika“ d.d. Zenica.

I Opis poslova:

- organizuje i vodi poslovanje Društva,
- izvještava Nadzorni odbor,
- provodi Statut, Etički kodeks i druge akte Društva,
- izrađuje i nadgleda realizaciju planova Društva,
- osigurava provođenje propisa za postupak javnih nabavki,
- izrađuje kalkulacije cijena i način plaćanja pruženih usluga,
- zastupa Društvo prema trećim licima,
- donosi Pravilnik o radu koji usvaja Nadzorni odbor,
- Donosi Odluke o primanju i otpuštanju zaposlenika u saradnji sa kadrovkom/pravnom službom vodeći računa o strateškim ciljevima preduzeća;
- priprema prijedlog o raspodjeli dobiti i pokriću gubitka,
- stara se za zakonitost rada Društva,
- stara se za implementaciju Etičkog kodeksa u Društvu,
- primjenjuje preporuke Odbora za reviziju,
- obavlja i druge poslove neophodne za nesmetano odvijanje organizacije i vođenje poslovanja Društva, u skladu sa Poslovníkom o radu Uprave,
- predsjedava Upravom,
- organizuje i rukovodi procesom rada i samostalno donosi odluke,
- utvrđuje razvojnu i poslovnu politiku,
- zaključuje ugovore i preuzima druge pravne radnje, zastupa Društvo pred sudovima i drugim organima u odnosima prema trećim licima,
- daje punomoć za zastupanje pred sudovima i drugim organima, radnicima Društva,
- odgovara Nadzornom odboru i osnivaču za zakonitost rada Društva,
- obavlja i druge poslove u skladu sa zakonom i po nalogu organa upravljanja.

II Uslovi

Kandidati su dužni ispunjavati sljedeće uslove:

1) Opći uslovi:

- a) da su državljani Bosne i Hercegovine,
- b) da su stariji od 18 godina,
- c) da nisu otpušteni iz službe kao rezultat disciplinske mjere na bilo kojoj razini u Bosni i Hercegovini (bilo na razini države ili entiteta) u periodu od tri godine prije dana objavljivanja konkursa,
- d) da se na njih ne odnosi član IX 1. Ustava Bosne i Hercegovine,
- e) da nisu osuđivani za krivično djelo i za prekršaj iz oblasti poslovne djelatnosti koja je nespojiva sa dužnosti u upravi društva i da se protiv kandidata ne vodi krivični postupak,
- f) da nisu lica kojima je presudom suda zabranjeno obavljanje u nadležnosti dužnosti člana uprave - direktora,
- g) da nisu izabrani zvaničnici nosioci izvršnih funkcija ili savjetnici izabranim zvaničnicima i nosiocima izvršenih funkcija u smislu člana 5. Zakona o sukobu interesa u institucijama vlasti Bosne i Hercegovine,
- h) da nisu u funkciji u političkoj stranci u smislu člana 5. Zakona o ministarskim, vladinim i drugim imenovanjima F BiH.

2) Posebni uslovi:

Za Direktora, odnosno predsjednika Uprave Društva, može biti imenovano lice koje pored općih uslova predviđenih zakonom mora da ispunjavati sljedeće posebne uslove:

- da ima visoku stručnu spremu VII-VSS saobraćajnog, mašinskog, pravnog ili ekonomskog smjera, odnosno najmanje 240 (ETCS).
- da ima najmanje tri godine radnog iskustva na rukovodećim radnim mjestima,
- da uz prijavu na konkurs u pismenoj formi dostavi program razvoja Društva za period od četiri godine.

III Dokazi

Kao dokaz o ispunjavanju uslova iz Javnog konkursa, kandidati su uz prijavu na javni konkurs, dužni u originalu ili ovjerenoj kopiji priložiti sljedeću dokumentaciju:

- kraća biografija, sa adresom i brojem telefona,
- diploma visoke stručne spreme odgovarajuće struke, koja je stečena po propisima koji su se primjenjivali prije početka Okvirog Zakona o visokom obrazovanju u Bosni i Hercegovini ili koja je stečena u skladu sa Okvirnim Zakonom o visokom obrazovanju u Bosni i Hercegovini i koja je vrednovana sa najmanje 240 ECTS bodova,
- potvrdu ili uvjerenje o potrebnom radnom iskustvu,
- uvjerenje o državljanstvu (ukoliko na obrascu nema naznake da su bez roka važenja isti ne mogu biti stariji od 6 mjeseci),
- izvod iz matične knjige rođenih (ukoliko na obrascu nema naznake da su bez roka važenja isti ne mogu biti stariji od 6 mjeseci),
- potpisana i od nadležnog organa ovjerena izjava da kandidat nije otpušten iz službe kao rezultat disciplinske mjere na bilo kojoj razini u Bosni i Hercegovini (bilo na razini države ili entiteta) u periodu od tri godine prije dana objavljivanja konkursa,
- potpisana i od nadležnog organa ovjerena izjava da se na kandidata ne odnosi član IX 1. Ustava Bosne i Hercegovine,

- potpisana i od nadležnog organa ovjerena izjava da kandidat nije osuđivan za krivično djelo i za prekršaj iz oblasti poslovne djelatnosti koja je nespojiva sa dužnosti u upravi Društva i da se protiv kandidata ne vodi krivični postupak,
- potpisana i od nadležnog organa ovjerena izjava da kandidat nije lice kojem je presudom suda zabranjeno obavljanje u nadležnosti dužnosti članova uprave-direktora,
- potpisana i od nadležnog organa ovjerena izjava da kandidat nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršenih funkcija u smislu člana 5. Zakona o sukobu interesa u institucijama vlasti Bosne i Hercegovine,
- potpisana i od nadležnog organa ovjerena izjava da kandidat nije u funkciji u političkoj stranci u smislu člana 5. Zakona o ministarskim, vladinim i drugim imenovanjima F BiH.

IV

Kandidati koji budu ispunjavali uslove Javnog konkursa, Nadzorni odbor će pozvati na intervju.

Kandidati s kojima se ne stupi u kontakt u roku od 15 dana od dana isteka roka za podnošenje prijave, neće biti uzeti u razmatranje u daljnjem postupku imenovanja.

Nadzorni odbor će izabrati onog kandidata koji po menadžerskim znanjima i iskustvu najbolje odgovara za izvršenje operativnih i poslovnih potreba JKP „Zenicatrans-prevoz putnika“ d.d. Zenica.

Javni konkurs će se objaviti u javnim glasilima, i to u: „Službenim novinama F BiH“ , dnevnim novinama „Dnevni avaz“, na web stranici Grada Zenica i JKP „Zenicatrans-prevoz putnika“ d.d. Zenica.

Konkurs za podnošenje prijave ostaje otvoren 10 (deset) dana od dana posljednjeg javnog objavljivanja.

Svi kandidati/kinje se dodatno mogu informisati o konkursu na slijedeći broj telefona: 032 243 263

V

Prijave sa traženim dokumentima dostaviti lično ili preporučenom poštom na adresu:

JKP „Zenicatrans-prevoz putnika“ d.d. Zenica

Ul.Bulevar Kralja Tvrtka I broj: 34 Zenica

72000 Zenica

Sa naznakom:

Prijava na konkurs za izbor i imenovanje direktora JKP „Zenicatrans-prevoz putnika“ d.d. Zenica

-NE OTVARATI-

Nepotpune i neblagovremene prijave neće se uzeti u razmatranje.

Društvo nije obavezno vraćati dokumentaciju dostavljenu uz prijavu.